

Segun empresario di renombre internashonal Ben Woldring na almuerzo di Kámara di Komersio:

“EKSITO DI BO NEGOSHI TA E ENERGIA KU BO MES TA HINKA DEN”

Kompetensha den mundu di telekomunikashon ta kunbiní e kliente!

WILLEMSTAD- Un sala yen tabata presente ayera mèrdia na WTC pa skucha kiko un hóben di apénas 18 aña, ku ya kaba tin respèt di kompanianan di telekomunikashon internashonal, tin di bisa. Ben Woldring, propietario di BenComp tabatin hopi di bisa. Pero di un forma masha trankil, sin buya i ku e konvikshon di kualke empresario ku ta traha pa yega na éksito, perseveransha.

Woldring, un magnate den e mundu di ICT tabata



...Ben Woldring durante di su presentashon impreshonante na Enkuentro Empresarial ayera mèrdia.....

oradó invitá na e almuerzo di Kámara di Komersio den kuadro di Enkuentro Empresarial ku ta finalisá awe nochi na WTC. Galan Group, un empresa di Corporate Governance, a trese e hóben Kòrsou pa e papia riba e sekreto di su éksito. EXTRA tabata presente na e almuerzo i sin duda, Woldring a impreshoná esnan presente. El a habri e mèrdia kontando su eksperenshanan di biahe na diferente parti di mundu kaminda el a hasi presentashon di su kompania, enkuentronan ku representantenan grandi di kompanianan di telekomunikashon i e impakto di su negoshi. Tur esaki, ku e entusiasmo di kualke hóben ku ta fasiná di a topa un figura konosí di televishon, prins Willem Alexander òf persona ku a keda elihí entrepreneur di aña. Na edat di apénas 18 aña ya kaba Woldring a topa ku figuranan importante manera partner di Bill Gates su Microsoft.

Na edat di apénas 13 aña, un 5 aña pasá, ora ku e mundu di Internet tabata den e fase inicial na Hulanda, Woldring su Mama a bin kas ku un modem. “Mi tabata mas interesá den wegananan di kòmputer, pero mi ta kere ku esei tabata e mihó invershon kú mi mama por a hasi. Na skol mi a buska informashon kon ta traha un website i mi a haña un buki riba trahamentu di website”, asina Woldring a splika esnan presente



...Esnan presente tabatin e oportunitat di hasi kualke pregunta na e ‘magnate’ di Internet.....

ayera mèrdia ku un bos tímido.

E eksploshon riba merkado hulandes di benta di telefon selular i kompetensha entre e diferente kompanianan pa ofresé e mihó tarifanan pa yamada, a marka e oportunitat ekselente pa Woldring lansa BenCom. “Den e ‘jungle’ aki di tarifa i mihó ofertanan e kliente tambe mester a haña e oportunitat di haña loke ta kombiné. Tabata un guera entre kompanianan i mi a kuminsá ku ‘bellen.com’ ku tabatin tur e mihó ofertanan pa e kliente.”, asina Woldring a splika. Despues di Bellen.com, el a sigui ku vakantiebellen.com, ku ta

duna klientenan ku bai den eksterior e mihó ofertanan pa yama kas. Resientemente a lanta BenerguBV ku ta duna klientenan e mihó ofertanan pa gas i koriente. Ku un sonrisa riba su kara Woldring ta bisa esnan presente ku “after all”, hulandesnan semper ta buska tur loke ta mas ‘barata’. Awendia e negoshinan di Ben Woldring ta grandi. E ta traha for di kas di su mayornan ainda ku ta yud’é. E kompania di Internet ta sigui krese pero

e tin su limitashonnan. Hasiendo uso di muchanan di skol, Bencom a sigui desaroyonan i su popularidat a konsentrá primeramente riba e edat relativamente hóben ku e tin i e impakto ku a hasi den e mundu di telekomunikashon. Entre 9 pa 10 mion a bishita su sitenan i e kompania su ganashi, ta sin presedente. No opstante esei, na edat di 18, Woldring ta studiando Business Economics na Universidat di Groningen, kaminda el a nase i ta biba.